

# 大乘起信論講義 科判

馬鳴菩薩 造 梁西印度三藏法師真諦 譯 四明接待講寺佛教講習所 圓瑛弘悟 述

釋道淨 整理 20240730 2 稿 微信 qq 973451196 校對 禁止商用篡改 法律責任必究

表 0: (1 表) 總表

(依佛陀教育基金會 2015 年《大乘起信論講義》電子版校對)

科判				論文					
甲一略釋論題【捲上】				大乘起信論					
甲二造論菩薩				馬鳴菩薩造					
甲三翻譯人時				真諦三藏譯					
甲四歸敬述意二		乙初歸敬三寶		歸命盡十方，最勝業遍知，色無礙自在，救世大悲者，及彼身體相，法性真如海，無量功德藏，如實修行等。為求令眾生，除疑舍邪執，起大乘正信，佛種不斷故。					
		乙二述造論意							
		乙初顯益起說		論曰，有法起摩訶衍信根，是故應說。					
		乙二舉數標章		說有五分，云何為五，一者因緣分，二者立義分，三者解釋分，四者修行信心分，五者勸修利益分。					
甲五正立論體三		丙一因緣分二（表 1）		初說因緣分。					
		丙二立義分三（表 2）							
		丁一結前起後		已說立義分，次說解釋分。					
		丁二標徵列名		解釋分有三種，云何為三，一者顯示正義，二者對治邪執，三者分別發趣道相。					
		己一總釋		顯示正義者，依一心法，有二種門，云何為二，一者心真如門，二者心生滅門，是二種門，皆各總攝一切法，此義云何，以是二門，不相離故。					
		庚一別釋二門顯動靜不一二		辛一真如門二（表 3-1）					
				癸一染淨生滅二（表 3-2~5）					
				癸二淨相資四（原文壬二，為癸二，後文依次更改）		子一舉數列名	複次有四種法，熏習義故，染法淨法，起不斷絕，云何為四，一者淨法，名為真如，二者一切染因，名為無明，三者妄心，名為業識，四者妄境界，所謂六塵。		
						子二熏習義	熏習義者，如世間衣服，實無於香，若人以香而熏習故，則有香氣，此亦如是，真如淨法，實無於染，但以無明而熏習故，則有染相，無明染法，實無淨業，但以真如而熏習故，則有淨用。		
				子三熏習相二		丑一染法二（表 3-6）			
						丑二淨法二【卷下】（表 3-7~8）			
				子四斷常二義		複次染法，從無始已來，熏習不斷，乃至得佛，後則有斷，淨法熏習則無有斷，盡於未來，此義云何，以真如法常熏習故，妄心則滅，法身顯現，起用熏習，故無有斷。			
				壬二辨所示之義二（表 3-9~10）					
				庚二會相入實顯動靜不異		複次顯示從生滅門，即入真如門，所謂推求五陰，色之與心，六塵境界，畢竟無念，以心無形相，十方求之，終不可得，如人迷故，謂東為西，方實不轉，眾生亦爾，無明迷故，謂心為念，心實不動，若能觀察，知心無念，即得隨順，入真如門故。			
		戊二對治邪執二（表 3-11~12）							
		戊三分別發趣道相三（表 3-13~15）							
		丙四修行信心分四（表 4-1~4）							
		丙五勸修利益分三（表 5）							
		甲六總結迴向		諸佛甚深廣大義，我今隨分總持說，回此功德如法性，普利一切眾生界。					

今解此論 直分為六

表 1: (1 表)【捲上】 丙一因緣分二

科判					論文			
丙一因緣分二					初說因緣分。			
丁二顯因緣二	戊一問答直顯				問曰，有何因緣，而造此論。 答曰，是因緣有八種，云何為八。 一者，因緣總相，所謂為令眾生，離一切苦，得究竟樂，非求世間名利恭敬故。 二者，為欲解釋如來根本之義，令諸眾生正解不謬故。 三者，為令善根成熟眾生，於摩訶衍法，堪任不退信故。 四者，為令善根微少眾生，修習信心故。 五者，為示方便，消惡業障，善護其心，遠離痴慢，出邪網故。 六者，為示修習止觀，對治凡夫二乘心過故。 七者，為示專念方便，生於佛前，必定不退信心故。 八者，為示利益，勸修行故。 有如是等因緣，所以造論。			
	戊二問答遣疑二	己初問			問曰，修多羅中，具有此法，何須重說。			
		己次答二	庚一舉根緣二相以立宗		答曰，修多羅中，雖有此法，以眾生根行不等，受解緣別。			
			庚二釋根緣二相以遣疑二	辛一說聽俱勝		所謂如來在世，眾生利根，能說之人，色心業勝，圓音一演，異類等解，則不須論。		
				辛二根緣微劣三	壬一廣略二經		若如來滅後，或有眾生，能以自力，廣聞而取解者，或有眾生，亦以自力，少聞而多解者。	
					壬二廣略二論		或有眾生，無自智力，因於廣論而得解者，亦有眾生，復以廣論文多為煩，心樂總持少文，而攝多義，能取解者。	
			壬三明教之興		如是，此論為欲總攝，如來廣大深法，無邊義故，應說此論。			

表 2: (1 表)【捲上】 丙二立義分三

科判				論文
丙二立義分三	丁一結前起後			已說因緣分，次說立義分。
	丁二標徵列名			摩訶衍者，總說有二種，云何為二，一者法，二者義。
	丁三依名辨相二	戊一出法體二	己一就體總立	所言法者，謂眾生心，是心則攝一切世間法，出世間法，依於此心，顯示摩訶衍義。
			己二開門別立	何以故，是心真如相，即示摩訶衍體故，是心生滅因緣相，能示摩訶衍自體相用故。
		戊二彰名義二	己一明大義	所言義者，則有三種，云何為三。 一者體大，謂一切法，真如平等，不增減故。 二者相大，謂如來藏，具足無量性功德故。 三者用大，能生一切世間出世間，善因果故。
			己二顯乘義	一切諸佛，本所乘故，一切菩薩，皆乘此法，到如來地故。

表 3-1：(15 表)【捲上】 辛一真如門二

科判				論文
辛一真如門二	壬一舉如離言以明智境二	癸一總舉法體二	子一正顯如體	心真如者，即是一法界大總相法門體，所謂心性，不生不滅。一切諸法，唯依妄念，而有差別，若離心念，則無一切境界之相。是故一切法，從本已來，離言說相，離名字相，離心緣相，畢竟平等，無有變異，不可破壞，唯是一心，故名真如。
			子二會執釋名	以一切言說，假名無實，但隨妄念，不可得故，言真如者，亦無有相。謂言說之極，因言遣言，此真如體，無有可遣，以一切法，悉皆真故，亦無可立，以一切法，皆同如故。當知一切法，不可說，不可念，故名為真如。
		癸二問答釋疑		問曰，若如是義者，諸眾生等，云何隨順，而能得入。答曰，若知一切法，雖說，無有能說可說，雖念，亦無能念可念，是名隨順，若離於念，名為得入。
	壬二約依言辨德以明信境二	癸一舉數開章		複次此真如者，依言說分別，有二種義。云何為二。一者如實空，以能究竟顯實故。二者如實不空，以有自體，具足無漏性功德故。
		癸二章釋別為二	子一明如實空義	所言空者，從本已來，一切染法不相應故，謂離一切法，差別之相，以無虛妄心念故。當知真如自性，非有相，非無相，非非有相，非非無相，非有無俱相，非一相，非異相，非非一相，非非異相，非一異俱相。乃至總說，依一切眾生，以有妄心，念念分別，皆不相應，故說為空，若離妄心，實無可空故。
			子二明不空之義	所言不空者，已顯法體，空無妄故，即是真心，常恆不變，淨法滿足，則名不空，亦無有相可取，以離念境界，唯證相應故。

表 3-2：(15 表)【捲上】 癸一染淨生滅二

科判					論文		
癸一染淨生滅二	子一就體總標				心生滅者，依如來藏，故有生滅心。 所謂不生不滅，與生滅和合，非一非異，名為阿黎耶識。		
	子二依義廣釋三	丑一釋上心生滅義二	寅一辨德列名		此識有二種義，能攝一切法，生一切法，云何為二，一者覺義，二者不覺義。		
			辰一略辨始本二覺	所言覺義者，謂心體離念，離念相者，等虛空界，無所不遍，法界一相，即是如來平等法身，說名本覺。 何以故，本覺義者，對始覺義說，以始覺者，即同本覺。始覺義者，依本覺故，而有不覺，依不覺故，說有始覺。			
				午一總標滿分二義		又以覺心源故，名究竟覺，不覺心源故，非究竟覺。	
				午二別辨差別四相二	未一寄相位	此義云何，如凡夫人，覺知前念起惡故，能止後念，令其不起，雖複名覺，即是不覺故。 如二乘觀智，初發意菩薩等，覺於念異，念無異相，以舍粗分別執著相故，名相似覺。 如法身菩薩等，覺於念住，念無住相，以離分別粗念相故，名隨分覺。 如菩薩地盡，滿足方便，一念相應，覺心初起，心無初相，以遠離微細念故，得見心性，心即常住，名究竟覺。	
					未二釋源念	是故修多羅說，若有眾生，能觀無念者，則為向佛智故。又心起者，無有初相可知，而言知初相者，即謂無念。是故一切眾生，不名為覺，以從本來，念念相續，未曾離念，故說無始無明。 若得無念者，則知心相，生住異滅，以無念等故。	
			辰二廣顯二覺之相二	巳一始覺三	午三結明不異本覺		而實無有始覺之異，以四相俱時而有，皆無自立，本來平等，同一覺故。

表 3-3: (15 表)【捲上】 癸一染淨生滅二

癸一染淨生滅二 子二依義廣釋三 丑一釋上心生滅義二 寅二按名別釋三	卯一辨覺義二	辰二廣顯二覺之相二	巳二本覺二	午一明隨緣本覺二	未一標列		複次本覺，隨染分別，生二種相，與彼本覺，不相舍離，云何為二，一者智淨相，二者不思議業相。	
					未二辨相即為二	申一先明智淨相二	酉一直明淨相	智淨相者，謂依法力熏習，如實修行，滿足方便故，破和合識相，滅相續心相，顯現法身，智淳淨故。
						酉二迭拂疑情		此義云何，以一切心識之相，皆是無明，無明之相，不離覺性，非可壞，非不可壞。 如大海水，因風波動，水相風相，不相舍離，而水非動性，若風止滅，動相則滅，溼性不壞故。 如是，眾生自性清淨心，因無明風動，心與無明。俱無形相，不相舍離，而心非動性，若無明滅，相續則滅，智性不壞故。
						申二不思議業相		不思議業相者，以依智淨，能作一切勝妙境界，所謂無量功德之相，常無斷絕，隨眾生根，自然相應，種種而現，得利益故。
					午二明性淨本覺二	未一總標		複次覺體相者，有四種大義，與虛空等，猶如淨鏡。
				未二別釋四		甲一如實空鏡		云何為四，一者如實空鏡，遠離一切心境界相，無法可現，非覺照義故。
						申二因熏習鏡		二者因熏習鏡，謂如實不空，一切世間境界，悉於中現，出不入，不失不壞，常住一心，以一切法，即真實性故，又一切染法所不能染，智體不動，具足無漏燠眾生故。
						申三法出離鏡		三者法出離鏡，謂不空法，出煩惱礙智礙，離和合相，淳淨明故。
					申四緣熏習鏡		四者緣熏習鏡，謂依法出離故，遍照眾生之心，令修善根，隨念示現故。	
	卯二辨不覺分三	辰一根本不覺二	巳一依覺成迷		所言不覺義者，謂不如實知真如法一故，不覺心起，而有其念，念無自相，不離本覺，猶如迷人，依方故迷，若離於方，則無有迷，眾生亦爾，依覺故迷，若離覺性，則無不覺。			
			巳二依迷顯覺		以有不覺妄想心故，能知名義，為說真覺，若離不覺之心，則無真覺自相可說。			
		辰二枝末不覺二	巳一細相		複次依不覺故，生三種相，與彼不覺，相應不離。 云何為三，一者灰明業相，以依不覺故心動，說名為業，覺則不動，動則有苦，果不離因故。 二者能見相，以依動故能見，不動則無見，三者境界相，以依能見，故境界妄現，離見則無境界。			
			巳二粗相		以有境界緣故，復生六種相。 云何為六，一者智相，依於境界，心起分別，愛與不愛故，二者相續相，依於智故，生其苦樂覺心，起念相應不斷故。 三者執取相，依於相續，緣念境界，住持苦樂，心起著故，四者計名字相，依於妄執，分別假名言相故。 五者起業相，依於名字，尋名取著，造種種業故。 六者業系苦相，以依業受果，不自在故。			
		辰三結末歸本			當知無明，能生一切染法，以一切染法，皆是不覺相故。			
	卯三辨同異二	辰一標列		複次覺與不覺，有二種相，云何為二，一者同相，二者異相。				
		辰二喻釋		言同相者，譬如種種瓦器，皆同微塵性相，如是無漏無明，種種業幻，皆同真如性相。 是故修多羅中，依於此真如義故，說一切眾生，本來常住，入於涅槃，菩提之法，非可修相，非可作相，畢竟無得。 亦無色相可見，而有見色相者，唯是隨染業幻所作，非是智色不空之性，以智相無可見故。 言異相者，如種種瓦器，各各不同，如是無漏無明，隨染幻差別，性染幻差別故。				

表 3-4：(15 表)【捲上】 癸一染淨生滅二

癸一染淨生滅二 子二依義廣釋三	丑二釋上生滅因緣二	寅一明生滅因緣義二	卯一總標		複次生滅因緣者，所謂眾生依心，意，意識轉故。	
			卯二別釋二	辰一先釋意轉三	巳一略明	此義云何，以依阿黎耶識，說有無明，不覺而起，能見能現，能取境界，起念相續，故說為意。
					巳二廣辨	此意復有五種名，云何為五。 一者，名為業識，謂無明力，不覺心動故。 二者，名為轉識，依於動心，能見相故。 三者，名為現識，所謂能現一切境界，猶如明鏡，現於色像，現識亦爾，隨其五塵對至即現，無有前後，以一切時任運而起，常在前故。 四者，名為智識，謂分別染淨法故。 五者，名為相續識，以念相應不斷故，住持過去，無量世等善惡之業，令不失故，復能成熟，現在未來，苦樂等報，無差違故，能令現在已經之事，忽然而念，未來之事，不覺妄慮。
						巳三結歸二
					午二問答釋疑	
			辰二釋意識轉		複次言意識者，即此相續識，依諸凡夫取著轉深，計我我所，種種妄執，隨事攀緣，分別六塵，名為意識，亦名分離識，又復說名分別事識，此識依見愛煩惱增長義故。	
		寅二顯所依因緣體二	卯一略明緣起甚深		依無明熏習，所起識者，非凡夫能知，亦非二乘智慧所覺，謂依菩薩，從初正信，發心觀察，若證法身，得少分知，乃至菩薩究竟地，不能盡知，唯佛窮了。何以故，是心從本已來，自性清淨，而有無明，為無明所染，有其染心，雖有染心，而常恆不變，是故此義，唯佛能知。	
			卯二廣緣起差別五	辰一明染心緣起根源		所謂心性，常無念故，名為不變，以不達一法界故，心不相應，忽然念起，名為無明。
				辰二判染心差別分位		染心者，有六種，云何為六。 一者，執相應染，依二乘解脫，及信相應地，遠離故。 二者，不斷相應染，依信相應地，修學方便，漸漸能捨，得淨心地，究竟離故。 三者，分別智相應染，依具戒地漸離，乃至無相方便地，究竟離故。 四者，現色不相應染，依色自在地，能離故。 五者，能見心不相應染，依心自在地，能離故。 六者，根本業不相應染，依菩薩盡地，得入如來地，能離故。
				辰三顯無明治斷階級		不了一法界義者，從信相應地，觀察學斷，入淨心地，隨分得離，乃至如來地，能究竟離故。
				辰四釋相應不相應義		言相應義者，謂心念法異，依染淨差別，而知相緣相同故，不相應義者，謂即心不覺，常無別異，不同知相緣相故。
				辰五辨智礙煩惱礙義		又染心義者，名為煩惱礙，能障真如根本智故，無明義者，名為智礙，能障世間自然業智故。 此義云何，以依染心，能見能現，妄取境界，違平等性故，以一切法常靜，無有起相，無明不覺，妄與法違，故不能得隨順，世間一切境界，種種知故。

表 3-5: (15 表)【捲上】 癸一染淨生滅二

癸一染淨生滅二	子二依義廣釋三	丑三釋上生滅之相三	寅一標列二相		複次分別生滅相者，有二種，云何為二。 一者粗，與心相應故。二者細，與心不相應故。
			寅二約人對顯		又粗中之粗，凡夫境界。粗中之細，及細中之粗，菩薩境界。 細中之細，是佛境界。
			寅三辨相所依二	卯一順論生緣	此二種生滅，依於無明熏習而有。 所謂依因依緣，依因者，不覺義故，依緣者，妄作境界義故。
				卯二逆顯滅義	若因滅則緣滅，因滅故，不相應心滅，緣滅故，相應心滅。 問曰，若心滅者，云何相續，若相續者，云何說究竟滅。 答曰，所言滅者，唯心相滅，非心體滅。 如風依水而有動相，若水滅者，則風相斷絕，無所依止，以水不滅，風相相續，唯風滅故，動相隨滅，非是水滅。 無明亦爾，依心體而動，若心體滅，則眾生斷絕，無所依止，以體不滅，心得相續，唯痴滅故，心相隨滅，非心智滅。

表 3-6: (15 表)【捲上】 丑一染法二

科判		論文
丑一染法二	寅一略明	云何熏習，起染法不斷，所謂以依真如法故，有於無明，以有無明染法因故，即熏習真如，以熏習故，則有妄心，以有妄心，即熏習無明，不了真如法故。 不覺念起，現妄境界，以有妄境界染法緣故，即熏習妄心，令其念著，造種種業，受於一切身心等苦。
	寅二廣辨	此妄境界熏習義，則有二種，云何為二。一者增長念熏習，二者增長取熏習。 妄心熏習義有二種，云何為二。 一者業識根本熏習，能受阿羅漢辟支佛。 一切菩薩，生滅苦故，二者增長分別事識熏習，能受凡夫，業系苦故。 無明熏習義有二種，云何為二。 一者根本熏習，以能成就，業識義故。 二者所起見愛熏習，以能成就，分別事識義故。

表 3-7: (15 表)【捲下】 丑二淨法二

科判		論文
丑二淨法二	寅一略明	云何熏習，起淨法不斷，所謂以有真如法故能熏習無明，以熏習因緣力故，則令妄心，厭生死苦，樂求涅槃。 以此妄心，有厭求因緣故，即熏習真如。 自信己性，知心妄動，無前境界，修遠離法，以如實知無前境界故，種種方便，起隨順行，不取不念，乃至久遠熏習力故，無明則滅，以無明滅故，心無有起，以無起故，境界隨滅，以因緣俱滅故，心相皆盡，名得涅槃，成自然業。
	寅二廣辨二	卯一明妄心熏習
		妄心熏習義有二種，云何為二。 一者分別事識熏習，依諸凡夫二乘人等，厭生死苦，隨力所能，以漸趣向無上道故。二者意熏習，謂諸菩薩，發心勇猛，速趣涅槃故。
		辰一標列
		真如熏習義有二種，云何為二，一者自體相熏習，二者用熏習。
		卯二顯真如熏習二
辰二辨相二	巳一別釋二	午一體相二
		未一正顯
		自體相熏習者，從無始世來，具無漏法，備有不思議業，作境界之性，依此二義，恆常熏習，以有力故，能令眾生厭生死苦，樂求涅槃，自信己身，有真如法，發心修行。
未二除疑二	申一問	問曰，若如是義者，一切眾生，悉有真如，等皆熏習，云何有信無信，無量前後差別，皆應一時，自知有真如法，勤修方便，等入涅槃。
		申二答二
酉一約無明厚薄		答曰，真如本一，而有無量無邊無明，從本已來自性差別，厚薄不同故，過恆沙等上煩惱，依無明起差別，我見愛染煩惱，依無明起差別，如是一切煩惱，依於無明所起，前後無量差別，唯如來能知故。

表 3-8: (15 表)【卷下】 丑二淨法二

丑二淨法二 寅二廣辨二	卯二顯真如熏習二 辰二辨相二	巳一別釋二	午一體相二	未二除疑二	申二答二	酉二約因緣具闕	又諸佛法，有因有緣，因緣具足，乃得成辦，如木中火性，是火正因，若無人知，不假方便，能自燒木，無有是處。 眾生亦爾，雖有正因熏習之力，若不遇諸佛菩薩，善知識等，以之為緣，能自斷煩惱，入涅槃者，則無是處。 若雖有外緣之力，而內淨法未有熏習力者，亦不能究竟厭生死苦，樂求涅槃。 若因緣具足者，所謂自有熏習之力，又為諸佛菩薩等，慈悲願護故，能起厭苦之心，信有涅槃，修習善根，以修善根成熟故，則值諸佛菩薩，示教利喜，乃能進趣向涅槃道。
							午二用大二
			未二正釋二	申一差別緣	差別緣者，此人依於諸佛菩薩等，從初發意，始求道時，乃至得佛，於中若見若念，或為眷屬，父母諸親，或為給使，或為知友，或為怨家，或起四攝。 乃至一切所作，無量行緣，以起大悲熏習之力，能令眾生增長善根，若見若聞，得利益故。 此緣有二種，云何為二。一者近緣，速得度故。二者遠緣，久遠得度故。是近遠二緣，分別復有二種，云何為二，一者增長行緣，二者受道緣。		
				申二平等緣	平等緣者，一切諸佛菩薩，皆願度脫一切眾生，自然熏習，恆常不捨，以同體智力故，隨應見聞，而現作業，所謂眾生依於三昧，乃得平等見諸佛故。		
			巳二合明				

表 3-9: (15 表)【卷下】 壬二辨所示之義二

科判				論文	
壬二辨所示之義二	癸一體相二大二	子二分釋二大義二	子一總標二大名		複次真如自體相者。
			丑一體大		一切凡夫，聲聞緣覺，菩薩諸佛，無有增減，非前際生，非後際滅，畢竟常恆。
			寅一正明性德		從本已來，性自滿足，一切功德，所謂自體，有大智慧光明義故，遍照法界義故，真實識知義故，自性情淨心義故，常樂我淨義故，清涼不變自在義故。 具足如是，過於恆沙，不離不斷不異，不思議佛法，乃至滿足無有所少義故，名為如來藏，亦名如來法身。
			丑二相大二	卯一執體疑相難	問曰，上說真如，其體平等，離一切相，云何復說，體有如是種種功德。
				辰一差即無差	答曰，雖實有此諸功德義，而無差別之相，等同一味，唯一真如，此義云何，以無分別，離分別相，是故無二。
				卯二相不違體答二	復以何義得說差別，以依業識，生滅相示。 此云何示，以一切法，本來唯心，實無於念，而有妄心，不覺起念，見諸境界，故說無明，心性不起，即是大智慧光明義故。 若心起見，則有不見之相，心性離見，即是遍照法界義故。 若心有動，非真識知，無有自性，非常非樂，非我非淨，熱惱衰變，則不自在。 乃至具有過恆沙等妄染之義，對此義故，心性無動，則有過恆沙等，諸淨功德相義示現。 若心有起，更見前法可念者，則有所少，如是淨法無量功德，即是一心，更無所念，是故滿足，名為法身，如來之藏。

表 3-10：(15 表)【卷下】 壬二辨所示之義二

壬二辨所示之義二	癸二別解用大二	子一總明			複次真如用者，所謂諸佛如來，本在因地，發大慈悲，修諸波羅密，攝化眾生，立大誓願，盡欲度脫等眾生界，亦不限劫數，盡於未來，以取一切眾生，如己身故，而亦不取眾生相，此以何義，謂如實知，一切眾生，及與己身，真如平等，無別異故。以有如是方便智，除滅無明，見本法身，自然而有不思議業，種種之用，即與真如等，遍一切處，又亦無有用相可得。何以故，謂諸佛如來，唯是法身智相之身，第一義諦，無有世諦境界，離於施作，但隨眾生，見聞得益，故說為用。	
		子二別釋二	丑一正顯用相二	寅一直顯其用二	卯一應身	此用有二種，云何為二，一者依分別事識，凡夫二乘，心所見者，名為應身，以不知轉識現故，見從外來，取色分齊，不能盡知故。
				卯二報身	二者依於業識，謂諸菩薩，從初發意，乃至菩薩究竟地，心所見者，名為報身。身有無量色，色有無量相，相有無量好，所住依果，亦有無量，種種莊嚴，隨所示現，即無有邊，不可窮盡，離分齊相，隨其所應，常能住持，不毀不失。如是功德，皆因諸波羅密等，無漏行燠，及不思議燠，之所成就，具足無量樂相，故說為報身。	
			寅二重牒分別	又為凡夫所見者，是其粗色，隨於六道，各見不同，種種異類，非受樂相，故說為應身。複次初發意菩薩等所見者，以深信真如法故，少分而見，知彼色相莊嚴等事，無來無去，離於分齊，唯依心現，不離真如，然此菩薩，猶自分別，以未入法身位故。若得淨心，所見微妙，其用轉勝，乃至菩薩地盡，見之究竟。若離業識，則無見相，以諸佛法身，無有彼此色相，迭相見故。		
		丑二問答釋疑	問曰，若諸佛法身，離於色相者，云何能現色相，答曰，即此法身，是色體故，能現於色，所謂從本已來，色心不二，以色性即智故，色體無形，說名智身，以智性即色故，說名法身，遍一切處，所現之色，無有分齊，隨心能示，十方世界，無量菩薩，無量報身，無量莊嚴，各各差別，皆無分齊，而不相妨，此非心識分別能知，以真如自在用義故。			

表 3-11：(15 表)【卷下】 戊二對治邪執二

科判			論文	
戊二對治邪執二	己一就本總標		對治邪執者，一切邪執，皆依我見，若離於我，則無邪執。	
	己二別明治障二	辛一標列	是我見有二種，云何為二，一者人我見，二者法我見。	
		庚一對治離二	<p>人我見者，依諸凡夫，說有五種，云何為五。</p> <p>一者，聞修多羅說，如來法身，畢竟寂寞，猶如虛空。以不知為破著故，即謂虛空是如來性。云何對治，明虛空相是其妄法，體無不實，以對色故有，是可見相，令心生滅，以一切色法，本來是心，實無外色，若無外色者，則無虛空之相，所謂一切境界，唯心妄起故有，若心離於妄動，則一切境界滅。唯一真心，無所不遍，此謂如來廣大性智，究竟之義，非如虛空相故。二者，聞修多羅說，世間諸法，畢竟體空，乃至涅槃真如之法，亦畢竟空，從本已來自空，離一切相。以不知為破著故，即謂真如涅槃之性，唯是其空。云何對治，明真如法身，自體不空，具足無量性功德故。三者，聞修多羅說，如來之藏，無有增減，體備一切，功德之法。以不解故，即謂如來之藏，有色心法，自相差別。云何對治，以唯依真如義說故，因生滅染義示現，說差別故。四者，聞修多羅說，一切世間生死染法，皆依如來藏而有，一切諸法，不離真如。</p>	
		辛二辨相二		



表 3-12: (15 表)【卷下】 戊二對治邪執二

戊二對治邪執二	己二別明治障二	庚一對治離二	辛二辨相二	壬一人我見	<p>以不解故，謂如來藏，自體具有一切世間，生死等法。云何對治，以如來藏從本已來，唯有過恆沙等諸淨功德，不離不斷，不異真如義故。</p> <p>以過恆沙等，煩惱染法，唯是妄有，性自本無。從無始世來，未曾與如來藏相應故，若如來藏體有妄法，而使證會永息妄者，則無是處故。</p> <p>五者，聞修多羅說，依如來藏，故有生死，依如來藏，故得涅槃。以不解故，謂眾生有始，以見始故，復謂如來所得涅槃，有其終盡，還作眾生。</p> <p>云何對治，以如來藏無前際故，無明之相，亦無有始，若說三界外，更有眾生始起者，即是外道經說。</p> <p>又如來藏無有後際，諸佛所得涅槃，與之相應，則無後際故。</p>
				壬二法我見	<p>法我見者，依二乘鈍根故，如來但為說人無我，以說不究竟，見有五陰生滅之法，怖畏生死，妄取涅槃。</p> <p>云何對治，以五陰法，自性不生，則無有滅，本來涅槃故。</p>
		庚二究竟離		<p>複次究竟離妄執者，當知染法淨法，皆悉相待，無有自相可說。是故一切法，從本已來，非色非心，非智非識，非有非無，畢竟不可說相。</p> <p>而有言說者，當知如來善巧方便，假以言說，引導眾生。其旨趣者，皆為離念，歸於真如。</p> <p>以念一切法，令心生滅，不入實智故。</p>	

表 3-13: (15 表)【卷下】 戊三分別發趣道相三

科判				論文
戊三分別發趣道相三	己一總顯名義			分別發趣道相者，謂一切諸佛，所證之道，一切菩薩，發心修行，趣向義故。
	己二分別標列			略說發心有三種，云何為三。 一者信成就發心，二者解行發心，三者證發心。
	己三依次辨相即為三	庚一信成就發心三	辛一明信成之行	<p>信成就發心者，依何等人，修何等行，得信成就，堪能發心。所謂依不定聚眾生。</p> <p>有熏習善根力故，信業果報，能起十善，厭生死苦，欲求無上菩提，得值諸佛，親承供養，修行信心。</p> <p>經一萬劫，信心成就故，諸佛菩薩，教令發心。</p> <p>或以大悲故，能自發心。</p> <p>或因正法欲滅，以護法因緣，能自發心。</p> <p>如是信心成就，得發心者，入正定聚，畢竟不退，名住如來種中，正因相應。</p> <p>若有眾生，善根微少，久遠已來，煩惱深厚，雖值於佛，亦得供養。</p> <p>然起人天種子，或起二乘種子。</p> <p>設有求大乘者，根則不定，若進若退。</p> <p>或有供養諸佛，未經一萬劫，於中遇緣，亦有發心。</p> <p>所謂見佛色相，而發其心，或因供養眾僧，而發其心，或因二乘之人，教令發心，或學他發心。</p> <p>如是等發心，悉皆不定，遇惡因緣，或便退失，墮二乘地。</p>

表 3-14：(15 表)【卷下】 戊三分別發趣道相三

戊三分別發趣道相三	己三依次辨相即為三	庚一信成就發心三	辛二顯等心之相二	壬二問答除疑二	壬一正明三心		複次信成就發心者，發何等心，略說有三種，云何為三？ 一者直心，正念真如法故。 二者深心，樂集一切諸善行故。 三者大悲心，欲拔一切眾生苦故。		
					癸二答二	癸一問	問曰，上說法界一相，佛體無二，何故不唯念真如，復假求學諸善之行。		
						子二重顯方便二	丑二別釋	子一正答前問	答曰，譬如大摩尼寶，體性明淨，而有礦穢之垢，若人雖念寶性，不以方便，種種磨治，終無得淨。 如是眾生真如之法，體性空淨，而有無量煩惱染垢，若人雖念真如，不以方便種種煇修，亦無得淨。 以垢無量，遍一切法故，修一切善行，以為對治。 若人修行一切善法，自然歸順真如法故。
								丑一標徵	略說方便有四種，云何為四。
									一者，行根本方便，謂觀一切法，自性無生，離於妄見，不住生死，觀一切法，因緣和合，業果不失，起於大悲，修諸福德，攝化眾生，不住涅槃，以隨順法性無住故。 二者，能止方便，謂慚愧悔過，能止一切惡法，不令增長，以隨順法性離諸過故。 三者，發起善根增長方便，謂勤供養禮拜三寶，讚歎隨喜，勸請諸佛，以愛敬三寶，淳厚心故，信得增長，乃能志求無上之道，又因佛法僧力所護故，能消業障，善根不退，以隨順法性離痴障故。 四者，大願平等方便，所謂發願，盡於未來，化度一切眾生，使無有餘，皆令究竟無餘涅槃，以隨順法性無斷絕故，法性廣大，遍一切眾生，平等無二，不念彼此，究竟寂滅故。
					辛三舉發心利益四	壬一顯勝德		菩薩發是心故，則得少分見於法身，以見法身故，隨其願力，能現八種利益眾生，所謂從兜率天退，入胎，住胎，出胎，出家，成道，轉法輪，入於涅槃。	
			壬二明微過			然是菩薩，未名法身，以其過去無量世來，有漏之業，未能決斷，隨其所生，與微苦相應，亦非業系，以有大願，自在力故。			
			壬三指權施			如修多羅中，或說有退墮惡趣者，非其實退，但為初學菩薩，未入正位，而懈怠者，恐怖令彼勇猛故。			
			壬四嘆實行			又是菩薩，一發心後，遠離怯弱，畢竟不畏，墮二乘地。若聞無量無邊，阿僧祇劫，勤苦難行，乃得涅槃，亦不怯弱，以信知一切法，從本已來，自涅槃故。			
			庚二解行發心二	辛一總標嘆勝		解行發心者，當知轉勝。			
辛二顯其勝相二	壬一經時勝			以是菩薩，從初正信已來，於第一阿僧祇劫，將欲滿故。					
	壬二解行勝			於真如法中，深解現前，所修離相，以知法性，體無慳貪故，隨順修行檀波羅密。 以知法性無染，離五欲過故，隨順修行屍波羅密。 以知法性無苦，離嗔惱故，隨順修行羼提波羅密。 以知法性無身心相，離懈怠故，隨順修行毗梨耶波羅密。 以知法性常定，體無亂故，隨順修行禪波羅密。 以知法性體明，離無明故，隨順修行般若波羅密。					

表 3-15：（15 表）【卷下】 戊三分別發趣道相三

戊三分別發趣道相三	己三依次辨相即為三	庚三證等心三	辛一明等心體		證發心者，從淨心地，乃至菩薩究竟地。 證何境界，所謂真如，以依轉識，說為境界，而此證者，無有境界，唯真如智，名為法身。 是菩薩於一念頃，能至十方，無餘世界，供養諸佛，請轉法輪，唯為開導，利益眾生，不依文字。 或示超地，速成正覺，以為怯弱眾生故。 或說我於無量，阿僧祇劫，當成佛道。 以為懈怠眾生故，能示如是，無數方便，不可思議。 而實菩薩種性根等，發心則等，所證亦等，無有超過之法，以一切菩薩，皆經三阿僧祇劫故。 但隨眾生世界不同，所見所聞，根欲性異，故示所行，亦有差別。
			辛二明發心相		又是菩薩，發心相者，有三種心，微細之相，云何為三？ 一者真心，無分別故。 二者方便心，自然偏行利益眾生故。 三者業識心，微細起滅故。
			辛三明成滿德二	壬一正顯勝德（原文癸一，應為壬一，後文依次更改）	又是菩薩，功德成滿，於色究竟處，示一切世間最高大身，謂以一念相應慧，無明頓盡，名一切種智，自然而有不思議業，能現十方，利益眾生。
				壬二問答除疑二	問曰，虛空無邊故，世間無邊，世界無邊故，眾生無邊，眾生無邊故，心行差別，亦復無邊，如是境界，不可分齊，難知難解，若無明斷，無有心想，云何能了，名一切種智。 答曰，一切境界，本來一心，離於想念。 以眾生妄見境界，故心有分齊，以妄起想念，不稱法性，故不能決了。 諸佛如來，離於見相，無所不遍，心真實故，即是諸法之性，自體顯照，一切妄法。 有大智用，無量方便，隨諸眾生，所應得解，皆能開示，種種法義，是故得名，一切種智。
					又問曰，若諸佛有自然業，能現一切處，利益眾生者，一切眾生，若見其身，若睹神變，若聞其說，無不得利，云何世間，多不能見。 答曰，諸佛如來，法身平等，遍一切處，無有作意故，而說自然，但依眾生心現，眾生心者，猶如於鏡，鏡若有垢，色像不現，如是眾生，心若有垢，法身不現故。

表 4-1：（4 表）【卷下】 丙四修行信心分四

科判			論文
丙四修行信心分四	丁一結前起後		已說解釋分，次說修行信心分。
	丁二就人標意		是中依未入正定眾生，故說修行信心。
	丁三約法廣辨二	戊一先興二問	何等信心，云何修行。
		戊二行逐答二	略說信心有四種，云何為四。 一者，信根本，所謂樂念真如法故。 二者，信佛有無量功德，常念親近，供養恭敬，發起善根，願求一切智故。 三者，信法有大利益，常念修行，諸波羅密故。 四者，信僧能正修行，自利利他，常樂親近，諸菩薩眾，求學如實行故。

表 4-2：(4 表)【卷下】 丙四修行信心分四

丙四修行信心分四	丁三約法廣辨二	戊二信行逐答二	己二五門修行可二	庚二別解即為五	庚一標列		修行有五門，能成此信，云何為五。 一者施門，二者戒門，三者忍門，四者進門，五者止觀門。					
					辛	一	施門		云何修行施門。 若見一切來求索者，所有財物，隨力施與，以自舍慳貪，令彼歡喜，若見厄難恐怖危逼，隨己堪任，施與無畏。 若有眾生，來求法者，隨己能解，方便為說，不應貪求，名利恭敬，唯念自利利他，迴向菩提故。			
							戒門		云何修行戒門。 所謂不殺不盜不淫，不兩舌，不惡口，不妄言，不綺語，遠離貪嫉，欺詐諂曲，嗔恚邪見。 若出家者，為折伏煩惱故，亦應遠離憤鬧，常處寂靜，修習少欲知足，頭陀等行，乃至小罪心生怖畏，慚愧改悔，不得輕於如來，所制禁戒，當護譏嫌，不令眾生，妄起過罪故。			
							忍門		云何修行忍門。 所謂應忍他人之惱，心不懷報，亦當忍於利衰毀譽，稱譏苦樂等法故。			
							進門		云何修行進門。 所謂於諸善事，心不懈退，立志堅強，遠離怯弱，當念過去，久遠已來，虛受一切身心大苦，無有利益，是故應勤，修諸功德，自利利他，速離眾苦。 複次若人，雖修行信心，以從先世來，多有重罪惡業障故，為邪魔諸鬼之所惱亂，或為世間事務，種種牽纏，或為病苦所惱，有如是等眾多障礙，是故應當勇猛精勤，晝夜六時，禮拜諸佛，誠心懺悔，勸請隨喜，迴向菩提，常不休廢，得免諸障，善根增長故。			
					辛	五	止觀門二		云何修行止觀門，寄問可知。			
							壬一寄問		所言止者，謂止一切境界相，隨順奢摩他觀義故，所言觀者，謂分別因緣生滅相，隨順毗鉢舍那觀義故。 云何隨順，以此二義，漸漸修習，不相舍離，雙現前故。			
							癸二廣說三	癸一略明				
								子一修止方法三	丑一修止方法三	寅一託靜息心		
								丑二顯止勝能	寅二顯止勝能	寅三障重不入		

表 4-3: (4 表)【卷下】 丙四修行信心分四

丙四修行信心分四	丁三約法廣辨二	戊二信行逐答二	己二五門修行可二	庚二別解即為五	辛五止觀門二	壬二釋相二	癸二廣說三	子一修正五	丑三辨其魔事 (原文寅三,應為丑三,後文依次更改)	或有眾生,無善根力,則為諸魔外道鬼神,之所惑亂,若於坐中,現形恐怖,或現端正男女等相,當念唯心,境界則滅,終不為惱。 或現天像,菩薩像,亦作如來像,相好具足,或說陀羅尼,或說佈施持戒,忍辱精進,禪定智慧,或說平等,空無相無願,無怨無親,無因無果,畢竟空寂,是真涅槃。 或令人知宿命過去之事,亦知未來之事,得他心智,辯才無礙,能令眾生,貪著世間,名利之事。 又令使人,數嗔數喜,性無常準,或多慈愛,多睡多病,其心懈怠,或卒起精進,後便休廢,生於不信,多疑多慮,或捨本勝行,更修雜業,若著世事,種種牽纏。亦能使人,得諸三昧,少分相似,皆是外道所得,非真三昧,或復令人,若一日若二日,若三日乃至七日,住於定中,得自然香美飲食,身心適悅,不飢不渴,使人愛著,或亦令人,食無分齊,乍多乍少,顏色變異。 以是義故,行者常應智慧觀察,勿令此心,墮於邪網,當勤正念,不敢不著,則能遠離,是諸業障。		
										丑四簡偽異真二	寅一約邪正簡	應知外道所有三昧,皆不離見愛我慢之心,貪著世間名利恭敬故。 真如三昧者,不住見相,不住得相,乃至出定,亦無懈怠,所有煩惱,漸漸微薄。
											寅二對理事簡	若諸凡夫,不習此三昧法,得入如來種性,無有是處。 以修世間諸禪三昧,多起味著,依於我見,系屬三界,與外道共,若離善知識所護,則起外道見故。
										丑五示益勸修二	寅一總標	複次精勤,專心修學,此三昧者,現世當得十種利益,云何為十。
											寅二別列	一者,常為十方諸佛菩薩,之所護念。 二者,不為諸魔惡鬼,所能恐怖。 三者,不為九十五種外道鬼神,之所惑亂。 四者,遠離誹謗,甚深之法,重罪業障,漸漸微薄。 五者,滅一切疑,諸惡覺觀。 六者,於如來境界,信得增長。 七者,遠離憂悔,於生死中,勇猛不怯。 八者,其心柔和,舍於憍慢,不為他人所惱。 九者,雖未得定,於一切時,一切境界處,則能減損煩惱,不樂世間。 十者,若得三昧,不為外緣,一切音聲,之所驚動。

表 4-4: (4 表)【卷下】 丙四修行信心分四

丙四修行信心分四	丁三約法廣辨二	戊二信行逐答二 己二五門修行可二 庚二別解即為五	辛五止觀門二 壬二釋相二 癸二廣說三	子二修觀二	丑一明修觀意		複次若人唯修於止，則心沉沒，或起懈怠，不樂眾善，遠離大悲，是故修觀。	
					丑二辨修觀相四	寅一法相觀	修習觀者，當觀一切世間，有為之法，無得久停，須臾變壞，一切心行，念念生滅，以是故苦。 應觀過去所念諸法，恍惚如夢，應觀現在所念諸法，猶如電光，應觀未來所念諸法，猶如於雲，忽爾而起。 應觀世間，一切有身，悉皆不淨，種種穢汙，無一可樂。	
						寅二大悲觀	如是當念，一切眾生，從無始世來，皆因無明，所熏習故，令心生滅，已受一切身心大苦，現在即有無量逼迫，未來所苦，亦無分齊，難捨難離，而不覺知，眾生如是，甚為可愍。	
						寅三大願觀	作此思惟，即應勇猛，立大誓願，願令我心，離分別故，遍於十方，修行一切，諸善功德，盡其未來，以無量方便，救拔一切苦惱眾生，令得涅槃，第一義樂。	
						寅四精進觀	以起如是願故，於一切時一切處，所有眾善，隨己堪能，不捨修學，心無懈怠。	
					子三雙運三	丑一總標		唯除坐時，專念於止，若餘一切，悉當觀察，應作不應作，若行若住，若臥若起，皆應止觀俱行。
						丑二別辨二	寅一約法	所謂雖念諸法，自性不生，而復即念因緣和合，善惡之業，苦樂等報，不失不壞，雖念因緣，善惡業報，而亦即念性不可得。
							寅二治障	若修止者，對治凡夫住著世間，能捨二乘怯弱之見，若修觀者，對治二乘不起大悲，狹劣心過，遠離凡夫，不修善根。
				丑三總結		以此義故，是止觀二門，共相助成，不相舍離，若止觀不具，則無能入菩提之道。		
				丁四防退方便二 （原文丁三，應為丁四）	戌一明畏退之機		複次眾生，初學是法，欲求正信，其心怯弱，以住於此，娑婆世界，自畏不能常值諸佛，親承供養，懼謂信心，難可成就，意欲退者。	
					戌二明防退之法		當知如來有勝方便，攝護信心，謂以專意念佛因緣，隨願得生他方佛土，常見於佛，永離惡道。 如修多羅說，若人專念，西方極樂世界，阿彌陀佛，所修善根，迴向願求，生彼世界，即得往生，常見佛故，終無有退，若觀彼佛，真如法身，常勤修習，畢竟得生，住正定故。	

表 5: (1 表)【卷下】 丙五勸修利益分三

科判		論文
丙五勸修利益分三	丁一總結前說	已說修行信心分，次說勸修利益分，如是摩訶衍，諸佛秘藏，我已總說，若有眾生，欲於如來，甚深境界，得生正信，遠離誹謗，入大乘道，當持此論，思量修習，究竟能至無上之道。
	丁二備陳損益	若人聞是法已，不生怯弱，當知此人，定紹佛種，必為諸佛，之所授記。假使有人，能化三千大千世界，滿中眾生，令行十善，不如有人，於一食頃，正思此法，過前功德，不可為喻。 複次若人，受持此論，觀察修行，若一日一夜，所有功德，無量無邊，不可得說，假令十方，一切諸佛，各於無量無邊，阿僧祇劫，嘆其功德，亦不能盡。 何以故，謂法性功德，無有盡故，此人功德，亦復如是，無有邊際。其有眾生，於此論中，毀謗不信，所獲罪報，經無量劫，受大苦惱，是故眾生，但應仰信，不應誹謗，以深自害，亦害他人，斷絕一切，三寶之種。以一切如來，皆依此法，得涅槃故，一切菩薩，因之修行，入佛智故。
	丁三極勸修學	當知過去菩薩，已依此法，得成淨信，現在菩薩，今依此法，得成淨信，未來菩薩，當依此法，得成淨信，是故眾生，應勤修學。